



L'analisa electoral da politolog Clau Dermont e dals schurnalists da la Suedostschweiz

FOTO MATTIAS NUTT



Carmelia Maisen dat intervistas suenter l'elecziun.

FOTO MATTIAS NUTT



La suprastanta communal da Breil, Maria-Luisa Middea, retschaiva in votant d'Andiast che votescha a l'urna.

FOTO ANDREAS CADONAU

«Sco Trun votescha l'entira Svizra»

La vischnanca da Trun è vischnanca da trend per il servetsch da retschertgas tar votaziuns naziunalas. Sco il suveran da Trun votescha l'entira Svizra. Era pertugant l'elecziun da la regenza grischuna ha Trun tutgà la noda. Ina reportascha dal grond di da las elecziuns grischunas.

ANDREAS CADONAU/FMR

A las elecziuns naziunalas vala Trun sco vischnanca da trend. «Ils resultats da Trun veggan resguardads da GFS, il servetsch da consultaziun da Berna, per publitar resultats da trend en il decurs dal di da votaziun», di Sandra Gautschi, la canzlista da Trun. «Sco Trun elegia l'entira Svizra.» Constat, ils resultats da la votaziun federala da Trun èn fitg sumegliants al resultat svizzer. Era quai che pertutga la regenza grischun è il suveran da Trun sa drizzà als giavischs grischuns, u il contrari. Era sche la successiun da l'elecziun nà dal dumbeva vuschs na correspunda berg dal tuttafatg al resultat grischun.

Cun l'urna sut bratsch

Sin plaz posta d'Andiast stat la suprastanta communal da Breil, Maria-Luisa Middea, la dumengia avantmezdi cun l'urna sut il bratsch. La vischnanca porsha a votantas e votants dad Andiast la davosa pussaivladad da sa participar a la

votaziun da las 10.15 enfin a las 10.30. «Quella giada fan pli bleras convischinas e convischins diever da la purschida», di la suprastanta. L'urna sut bratsch da la suprastanta para bainprest dad esser plaina. Intgins ed intgins da las votantas e dals votants sin via al servetsch divin fan anc lur obligaziun da burgaissa e burgais avant che sa render en baselgia. Naturalmain ch'i dat anc ina u l'autra baterlada pervia da l'elecziun. Principalmain l'elecziun da la regenza dat da discutar. Tanschi per Jon Domenic Parolini da restar en la regenza n'è da quellas uras betg la suletta dumonda che fatschenta votantas e votants. Elia fatschenta era schurnalists e schurnalists e probabel era il candidat sez avant ch'is emprims resultats èn sin maisa.

Situaziun excepiunala en la chasa da medias RTR a Cuira

Cura ch'is cables d'electricitat e da transmissiun èn tatgads per las stgalas e sulers da la chasa da medias da RTR a Cuira, lura regia la situaziun excepiunala. Il di d'elecziun è la chasa da medias a Cuira emplenida cun schurnalists e schurnalists che spetgan sin emprims resultats e discutan tgi che vegnelegi e tge partida che po rinforzar e tgi che perda influenz en il parlament. E sper guardar sin il tablet ils nov resultats d'elecziun vegn era guardà da fanestra ora sche la candidata ed ils candidats arrivan en la chasa da medias per dar pled e fatg. Ed els arrivan, sco emprims la candidata ed ils candidats per la regenza che han dumagnà l'elecziun e che datan gugent scleriment. E plansieu arrivan era ils timuns da partida e scheffas da fracciun che dovràn stediamain il telefonin per analisar ils resultats d'elecziun. Ils resultats definitivs derivan dentant dal computer dal chantun cun il program dal matemathicher tudestg Friedrich Pukelsheimer. Sia dubel proporzionala metoda da divisur cun arrundaziun da standard vegn duvrada per reparter ils sezs en il Cussegl grond, l'uschenumnà Pukelsheimer dubel.

Impussibel senza program da computer

«Senza il program da computer èsi strusch pussaivel da far quella repartiziun finala, nus fissan emnas vida quin tar.» Il politolog Clau Dermont ha analisà en la chasa da medias successivamain ils resultats dals singuls circuls d'elecziun per definir las fermezzas politicas en il parlament. El sa già la dumengia suentermezdi nua ch'il program dal computer sto anc far ina zambregiada per la repartiziun finala. Gia avant ch'il computer chantunal ha elavurà la repartiziun finala era già cler per il politolog che las singulas fracciuns en il parlament grischun èn pli gulivadas. «Quai dat interessantas constellaziuns politicas per recalgar maioritads en il parlament.» En las vischnancas da Trun e Breil ed en la plipart da las vischnancas grischunas è l'elecziun da la regenza e dal parlament ida a fin pli bau. Il president communal da Trun, Domeni Tomaschett ha anc gì da svidar l'urna da Schlangs a la 10.30 per che sia

equipa possia cintinuar e terminar la dumbraziun da las vuschs e tramerter ils resultats da Trun sco giavischà da mezdi a Cuira. Cumenzà a dumbrar han Sandra Gautschi, Denise Tomaschett ed Ivan Derungs già la dumengia a las 7.30. Malgrà la midada dal sistem electoral per l'elecziun dal Cussegl grond n'hant els betg gi gronda fadia cun il di d'elecziun. «Normalmain dumbrain nus en dus, quella giada essan nus en traïs», di il president communal e fa attent a sia rolla da surveglier la dumbraziun da las vuschs dal suveran da Trun. «Jau hai gi ier saira ina sentupada da classa e sun stà in pulit pervia da la dumbraziun dad oz.» La canzlista da Trun, Sandra Gautschi, era la damaun anc da l'idea che la participaziun a la votaziun saja quella giada pli auta ch'avant quatter onns cura che 34% dal suveran da Trun è sa participà a l'elecziun dal Cussegl grond. Cun 31,7% è ella dentant pli bassa. La pli gronda schelta da candidats e candidatas n'ha betg pu di carmalar dapli votantas e votants.



Roman Hug da la PPS.

FOTO LIVIA MAUERHOFER



Auguris da Johannes Flury (sen.) al socialdemocrat Peter Peyer.

FOTO LIVIA MAUERHOFER



Martin Bühler (san.) e Jon Domenic Parolini sa legran da l'elecziun.

FOTO MATTIAS NUTT/RTR



Il candidat Hans Vetsch (dretg) e ses collega Richard Fischer.

FOTO LIVIA MAUERHOFER



Martin Candinas documentescha ils resultats che arrivan.

FOTO MATTIAS NUTT/RTR



La nova cuseglieria guvernativa Carmelia Maisen cun ils dus collegas da partida ch'en vegnids reelegids, Jon Domenic Parolini e Marcus Caduff.

FOTO MATTIAS NUTT/RTR